

جَزَائِرَ مَحَاكِمَ

جمعه ایرتسی

نومرو	جاذی الاخر	سنه	کانون تانی	سنه	صفیحه
۶۳۵	۳۰	۱۳۰۹	۱۸	۱۳۰۷	۹۲۷۷

(اشبو غزته بهر هفته جمعه ایرتسی کونلری چیقار . سنه لکی درسعات ایچون محیدیه یکر می غروش)
 (حساییله التمش غروشدر . طشره لر ایچون اون بش غروش پوسته انجرتی ضم اولنور . بهر)
 (نسخه سی ینه محیدیه یکر می غروش اولق اوزره یوز پاره یه هر یرده صاتیلور . درج اولنه حق)
 (اعلاناتک هر برندن بر محیدیه اخذ اولنور . سنه لکنه مشتری اولق استیانلر عدلیه نظارتی)
 (دائره سنده کائن جریده محاکم اداره سنه مراجعت ایلملیدر)

اطنه ولایتی استیناف محکمه سی مدعی عمومیلکی
 طرابلس غرب ولایتی استیناف محکمه سی مدعی
 عمومیلکندن منفصل عزتلو اشرف بکه

درسعات بدایت محکمه سی اعضائی محکمه
 استیناف مدعی عمومیلکی معاونلرندن فوتلو
 حامد بکه

درسعات استیناف محکمه سی مدعی عمومی
 معاونلکی بدایت محکمه سی مدعی عمومی معاونلرندن
 علی شفیق افندی به

قسمت می

توجیهات

درسعات استیناف محکمه سی اعضائی
 درسعات بدایت محکمه سی اعضا سندن سعادتلو
 خلیل نشه بک افندی حضرتلرینه

در سعادت بدایت محکمه سی مدعی عمومی
معاونت کی بک اوغلی بدایت محکمه سی برنجی حقوق
دائرة سی باش کاتبی عزت لو حال بکه تفویض
اولمشد .

جلبله و دواتر بلدییه عائد حصه لرینک برلکده
وجله نظامنامه مذکور احکامه توفیقاً تحصیل
شورای دولت تنظیمات دائرة سی قرار یی اجابندن
بولدینی بوکره داخله نظارت جلبله سندن اشعار
اولمش و لازم کلانره تبلیغ کیفیت اولمق اوزره
اشبو تخریراتک نسخ مطبوعه کافیه و مصدقه سی
لفاً ارسال قلمش اولغله ایضای مقتضای خصوصه
همت اولمسی سیاقده شقه ترقیم قلندی .

(فی ۳ رجب سنه ۳۰۹ و فی ۲۱ کانون ثانی)
(سنه ۳۰۷ تاریخده بالجله ولایات استیناف)
(محکمه سی مدعی عمومیلرینه و مدعی عمومی)
(بولنمیان محللر مدعی عمومی معاونلرینه یازیلان)
(تخریرات عمومی صورتیدر)

اخیراً نصفی مال صندوقلرینه النمش اولمسندن
طولانی خزینة جلبله ایله دواتر بلدییه طرفلرندن
مشترکاً احاله اولنمقده اولان بلدییه رسومک
ملزمملره حین احاله سنده اعشار نظامنامه سنه توفیق
معامله اولنمقله برابر رسوم مذکورک خزینة

قسم غیر رسمی

آیدین ولایتی استیناف محکمه سی جزا
دائرة سنک ۲۷ شوال سنه ۳۰۶ و ۱۳ حیران
سنه ۳۰۵ تاریخ واللی بش نومرولی اعلامیه

تحقیق ماده ضمیمه محل جرمه عزیمت ایدن
ملازم شریف اغا ایله دیگر شاهدلر طرفندن خبر
ویرلمسنه و متهمک بجاینده جرح اثری اولدینی
عندالمعاینه طیب طرفندن افاده قلمسنه نظر افعیل
قتلک بالمقابله وقوعه کلدیکنه دائر مدافعات متهمک
اولاً انکار جرم ایتسی و مدافعه شهودینک
افاده لرنده مبیانت بولنمسی کبی احوال ایله رد
اولنمش ایسه ده متهم مرقومک ابتدا انکار فعل
ایلمسنک نوع جرمی تغییر ایدر اسبابدن عدی
موافق قاعده اولمدیغندن و صورت وقعه حقه
ادعا شهودینک افادانده دخی مبیانت بولدیغندن
تظاهر حقیقت ایچون کرک بولنرک مشهوداتنجه
یکدیگرینه و کرک مدافعه شهودینک افاده لرینه
مغایرت ایدن جهتلی کنه ولرینک دخی ایجابنه
کوره مواجهه لرینک اجراسیله بالاطراف تدقیق
وحل ایدلمسی اصولاً و مصلحه مقتضی ایکن
نقصان براقلمش اولمسندن ناشی اصول محاکمات
جزائیه قانوننک اوچوز اون دردنجی ماده سی
موجبنجه اعلام مذکورک نقضی طلب
اولمشد .

اوراق سائر دخی قرائتله تدقیقات تمیزیه
اجرا اولندقدن روش وقوعاته و اعلام مندرجاتنه

اوراق متفرعه سی باش مدعی عمومیلک مأموریت
علیه سندن ۸ جاذی الاخره سنه ۳۰۸ و ۷
کانون ثانی سنه ۳۰۶ تاریخ وایکی بیک یدیوز
اوتوز بر نومرولی تبلیغنامه ایله محکمه تمیز جزا
دائرة سنه اعطا قلندیغندن مطالعه اولندی .

اعلام مذکورک مالی اوده مش قضا سنده واقع
مزار باشی محله سی اهالی سندن تکه محمد اوغلی
حافظ محمدک کیفیت قتلدن طولانی جنایتله اتهام
اولنان قضاء مذکوره تابع سیرکلی قریه سی
اهالی سندن ابراهیم اغا اوغلی یکریمی الی یاشنده
عزت بکک من غیر تعمد قتل مذکوره جراتی
اجرا قلنان محاکمه علیده ثابت اولدیغندن مجرمیتنه
و قانون جزانک یوز یتیش دردنجی ماده سنه توفیقاً
بدایت توقیفی اولان اوچوز بش سنه سی شعباننک
یکرمی طقوزنجی کونندن اعتباراً اولجه موقوف
قالدینی درت ماه یکریمی برکونک محسوبیله برابر
بعدالتشهر اون بش سنه مدته کورکه قونلمسنه
و مصارف محاکمه نک تحصیلنه حکم اولدیغنی حاوی
اولوب تبلیغنامه ده دخی مقتولک اولامتهم عزت بکه
بچاغنی تشهر ایلدیکی مدافعه شاهدلری طرفندن
بیان ایدلمسنه و مقتولک یاننده بچاق اولدیغنی درحال

مأموریت علیه سندن ۵ صفر سنه ۳۰۹ و ۲۸
اغستوس سنه ۳۰۷ تاریخ و بیک طقوز یوز الی
سکر نومرولی تبلیغنامه ایله محکمه تمیز جزا
دائرة سنه کوندردلیدکندن مطالعه اولندی .

مذکور اعلام مالی اردک قضاسنه تابع قونیه
قریه لی پنا یوط اوغلی قسطنطینک قتل و احراق
اولنمندن طولای جنایتله اتهام اولنان کونان
قضاسنه تابع اچقه بیکار قریه لی بکر اوغلی اون
یدی یاشنده محمود و عبدالرحمن اوغلی یکریمی اوچ
یاشنده مهتدی علی و رجب اوغلی یکریمی الی
یاشنده قره احمد ایله مذکور کونان قضاسنه تابع
خواجه قریه سی اهالیسندن خلیل اغا اوغلی اون
بش اون الی یاشلرلرنده فراری کورجی عثمانک
عندالمحاکه قانون جزانک یوز یتیمنجی ماده سنه
تطبیقاً جزای اعدام ایله اجرای مجازاتلرینه و جاهاً
و غیباً حکم اولندیغنی حاویدر .

سالف الذکر تبلیغنامه مفادی دخی محاکمه
ضبطنامه سنک برنجی قسمنده متهملره سعدالدین
افندیکن وکیل تعیین قلندیغنی کوستریش ایکن دیگر
ضبطلرایله استجواب ورقه سنده اوخانس افندیکن

نظراً تبلیغنامه مندرج اعتراضات غیر وارد
بولنمش و اولبابده جریان ایدن تحقیقات و محاکمه
اصول محاکمات جزائیة قانونه موافق و مرقوم
عزت بک حقنده لاحق اولان حکم دخی قانون
جزایه مطابق کورلش اولدیغندن اعتراضات
واقعه نک ردیه اعلام مذکورک تصدیقه و خرج
تعرفه سنک اوتوز سکرنجی ماده سی موجبجه اعلام
خرجنک اخذ و استیفاسیله محکمه تمیزه لزوم
ارسالنه ۱ تشرین اول سنه ۳۰۷ تاریخنده
قرار ویرلدی .

فی ۱۹ جاذی الاولی سنه ۳۰۹

وفی ۹ کانون اول سنه ۳۰۷



قره سی بدایت محکمه سی جزا دائرة سنک
۲۲ جاذی الاخره سنه ۳۰۸ و ۲۰ کانون ثانی
سنه ۳۰۶ تاریخ و اوچیوز التمش ایکی نومرولی
اعلامیه اوراق متفرعه سی باش مدعی عمومیلک

وکالتی تحریر ایدلش و بر قسم محاکمه امضا ایله
تأمین اولنلش و جرم اوچیوز ایکی سنه سی
مایسنده واقع اولدیغنی حالده اوچیوز درت سنه سی
مایسنده حکم ویرلش و اعلام ایسه اوچیوز الی
سنه سی کانون ثانیسنک یکریمیسندن تنظیم ایدلش
و متهملردن اول و آخر مقر اولان احمد دیکر لرینک
فعلاً مدخلی اولدیغنی و چند ماه مقدم انشای
صیدده مقتول قسطنطینک کندوسنک دین و ایمانه
سب ایتش اولسی باعث تعدد اوله رق در میان
و اولوقت یعنی صید و شکار انناسنده رفاقتلرنده
بولنان آدم لک اسامیسنی تعداد و بیان ایتش
اولدیغنی حالده او آدم لردن فی الحقیقه مقتولک انشای
صیدده احمد ایله بر نقطه ده بولنوب بولنمدقلری
سؤال و تحقیق قلمیه رق قاعده دلائل قاطعه دن
معدود اولیان بعض اسباب ایله جمله سنک قتلده
فعلاً اشتراک لرینه و تعدد قاتل اولدقلری بیانیه
اعداملرینه حکم اولنمش و بولنردن محمودک
حلول اجلیه مؤخرأ وفات ایتدیکی اوراق میاننده
بولنان حبس خانه مأموری و طبیبک اوچیوز بش
سنه سی نیشان تاریخی تقریر لرلنده مندرج ایکن
اوچیوز الی سنه سننده تنظیم اولنمش اولان
مذکور اعلام نظامیده هیچ بحث کوریه مامش
و جریان ایدن مرافعه شرعیه ده مهتدی علی یه

یمین ویریه رک مرقوم معارضه دن منع اولنوب
احمدک اقراری موجبجه قصصه حکم شرعی لاحق
اولدیغنی حالده اولبابده اولان اعلام شرعی جانب
جلیل فتواخانه دن نقض ایدلش اولدیغندن بحثله
کیفیتک حق شخصیدن طولای ایجاب شرعیسی
ظهر اعلامه محرر فتواخانه اشارتی وجهله تسویه
اولنمق اوزره ذکر اولنان اعلام نظامینک دخی
نقضی طلبی واره دن زمان مروری نه منی اجرای
تسریعات لزومی بیانی محتویدر .

سائر اوراق دعوی دخی قرائتله و جاهی
حکمندن طولای تدقیقات تمیزیه اجرا اولندقدده
مأموریت مشارالیهانک ذکر اولنان تبلیغنامه سنده
محرر اعتراضات وارد و بجا و نقض حکمی موجب
اسباب قانونیه دن کورلکله بر موجب طلب اصول
محاکمات جزائیة قانوننک اوچیوز اون دردنجی
ماده سنه توفیقاً حکم مذکورک نقضه و ایجاب
شرعیسنک دخی جانب جلیل فتواخانه اشارتی
وجهله تسویه سنه و ایکیوز غروش اعلام خرجنک
بالتحصیل محکمه تمیزه ارسالی لزومنه ۱۲ کانون اول
سنه ۳۰۷ تاریخنده قرار ویرلدی .

فی ۸ جاذی الاخر سنه ۳۰۹

وفی ۲۸ کانون اول سنه ۳۰۷



وان ولايتی استيناف محكمه سی جزا دائره سنك
۹ صفر سنه ۳۰۶ و ۳ تشرین اول سنه ۳۰۴
تاریخ و الی اوچ نومرولی اعلامیه اوراق
متفرعه سی باش مدعی عمومیک مأموریت علیه سندن
۲ ذی الحجه سنه ۳۰۸ و ۲۶ حیران سنه ۳۰۷
تاریخ و طقوز یوز اون سکر نومرولی تبلیغنامه ایله
محکمه تمیز جزا دائره سنه کوندرلد یکندن
مطالعه اولندی .

مذکور اعلامک مالی کلی خاتونی مذبو حاً
اتلاف ایلدکری ادعا اولمسنندن طولای جنایتله
اتهام اولنان مز بوره نك زوجی مکس قضای
مستنطق معاونی مصطفی افندینک قانون جزانک
یوز یتشجی ماده سنه توفیقاً اعدامه و مخدومی
اون ایکی یاشنده محمودک دخی قانون مذکورک
قرقجی ماده سی موجبجه یوز یتش بشنجی ماده سنه
توفیقاً طقوز ماه مدت حبسیله بش سنه دخی
ضبطیه نظارتی التده بولمنسه و مصارف محاکمه نك
تحصیلنه حکم اولدینی حاوی اولوب تبلیغنامه ده
عندالتحقیقات و المحاکمه حاصل اولان دلائل
واماراتک تعیین قوت و درجاتی هیئت حاکمه نك
تقدیر و جدائیسنه متعلق اولوب اعتراضدن
مصون ایسه ده بوقدیرانک ینه قانون دائره سنده

جریانی لازم کلدیکنه و حالبوکه اعلامک مجرمیت
قرارنده مقتوله نك اللرنده قان اولدینی اسباب
حکمیهدن اوله رق بیان اولنمش ایسه ده کشفنامه ده
مز بوره نك صاغ النک سرچه پرمغندن طرف
ایکی پارمقارینک اوستنده وصول النک باش
پارمنی اوزرنده قان لکهمی کورلش اولدینی
صراحتاً محررایدوکنه و مز بوره نك حملی متهمک
انکار ایلدیکی و حالبوکه بش آیلق حامل اولدینی
بیان اولدینی حالده بوحاک نه کی تدقیقات فیه ایله
تعیین ایتدیکی کوسترلماش و متهم مز بوره نی قولی
اوزرینه المسنندن ناشی قولنه قان بولاشدینی
سویلش ایکن بومدافعه سندن قطعاً بحث اولنماش
اولدیفنه و مز بوره نك یاره سنك درت پرمق
درینلکنده اولمی کندی طرفندن ایقاع
اولنه میه جغه دلیل اوله رق بیان اولوب بوصورت
ایسه فنه عائد و هر قدر قتلك وقوع بولدینی محله
طیب بولنماش ایسه ده مؤخرأ دخی تدقیقات
فیه به مراجعت قابل ایکن ذهول اولدیفنه و اوراق
میاننده بولنان تمیز لایحه سنك بوجهنلره تعلق
ایدن مندرجاتی بجا اولدینی کی قاتل مز بوره
یلتنده او آره لق نزاع وقوعی قوی الاحتمال اولمسیله
بواحتالی رفع ایدر و قتلك قانونک تعریفی وجهله
تعهداً وقوعنی صورت قطعیه ده کوسترر دلائل

وامارات تحری اولنماش و حتی سبب قتل بیله
تصریح قلنماش اولدیفنه مبنی اعلام مذکورک
نقضی طلب اولنمشدر .

اوراق سائر دهخی قرائتله تدقیقات تمیزیله
اجرا اولندقدنه تبلیغنامه ده کوستریلان اعتراضات
مصیب و نقض حکمی موجب اسباب قانونیه دن
کورلدیکندن اصول محاکمات جزائییه قانوننک
اوچوز اون دردنچی ماده سنه توفیقاً اعلام مز بورک
نقضنه و ایکوز غروش نقض اعلامی خرجنک
بالتحصیل محکمه تمیزه لزوم ارسالنه ۱۲ تشرین ثانی
سنه ۳۰۷ تاریخنده قرار ویرلدی .

فی ۱۰ جمادی الاخر سنه ۳۰۹
وفی ۳۰ کانون اول سنه ۳۰۷

باش مدعی عمومیک مأموریت علیه سندن
اوراق متفرعه سیله محکمه تمیز جزا دائره سنه
ویریلان ۳ محرم سنه ۳۰۹ و ۲۷ تموز سنه ۳۰۷
تاریخ و بیک درتیوز او توز یدی نومرولی تبلیغنامه
مطالعه اولندی .

مفادی حاجی اوغلی حسینیه قتل قصدیله سلاح
انداخت ایتدیکی ادعا قلنمسندن طولای جنایتله
اتهام اولنان خیراه اوغلی مصطفانک درت ماه
مدتله حبسنه دائر دده اغاج بدایت محکمه سی جزا
دائره سندن ۱۵ تشرین ثانی سنه ۳۰۶ تاریخنده
صادر اولان حکمک تمیزاً رؤیتی حقنده محکمه
مرقومه مدعی عمومیکلکنندن اعطا قلنان
استدعانا مه استدعا دائره سندن قبول ایدلدیکندن
اوراقیه لدی التدقیق مرقوم مصطفی جنایتله اتهام
اوله رق محاکمه واقعیه سی اولوجهله جریان ایتش
اولدیفندن مجرمیت و تحدید مجازات قرارلرینک
آیرو آیرو اعطا قلنمی موافق قانون اوله رق
بوکا دائر سرد اولنان اعتراض شایان قبول
کوریله ماش ایسه ده اعتراضات سائر بجا
کورلدیکندن بختله اعلام مذکورک نقضی
طلبنی حاویدر .

اوراق سائرہ دخی قرائتہ تدقیقات تمیزیہ
اجرا اولندقدہ مذکور تبلیغنامہ دہ کوسرلیدی
وجهله ایکی قرارک عدم توحیدی حقندہ اولان
اعتراض شایان قبول دکل ایسه دہ متهمه اسم و محل
اقامت صورلماسی وشاهدله متهم تشخیص
ایتدیرلماسی وشهادات واقعه دہ مبانیت وسائرہ کبی
برکونه اسباب بولنمدینی حالده اعتباردن اسقاط
ایدلمی واخافه قصدیه تشهیرسلاحک مستند
اولدینی دلائل مجریت قرارنده ایضاح اولنماسی
حقارنده لایحه دہ محرر اعتراضات بجا ونقض
حکمی موجب اسبابدن کوراش اولدیفندن اصول
محاکمات جزائیہ قانوننک اوچیوز اون دردنجی
واوچیوز اون طقوزنجی ماده لری منظوقنجه
اعلام مذکورک نقضه واعلام خرجی اولان ایکی
یوز غروشک بالاستیفامحکمه تمیزیہ لزوم ارساله
فی ۳ کانون اول سنه ۳۰۷ تاریخندہ قرار
ویرلشدو .

فی ۱۰ جمادی الاخر سنه ۳۰۹

وفی ۳۰ کانون اول سنه ۳۰۷

عکاسنجانی بدایت محکمه سی جزا دائره سنک
۳ شباط سنه ۳۰۱ تاریخ ویتش ایکی نومرولی
اعلامیه اوراق متفرعه سی باش مدعی عمومیک
مأموریت علیه سندن ۲۱ ربیع الاخر سنه ۳۰۹
و ۱۱ تشرین ثانی سنه ۳۰۷ تاریخ و اوچ بیک
اوچیوز قرق یدی نومرولی تبلیغنامہ ایله محکمه
تمیزی جزا دائره سنه کوندردلیکندن مطالعه
اولندی .

مذکور اعلام مالی ناصره قصبه سی اها لیسندن
علی العوادک کیفیت قتلندن طولانی جنایتله اتهام
اولنان اوغللری سودی وفراری حسین العوادک
وجاهاً وغیباً اجرا قلنان محاکمه علیه لرنده قتل
مذکورہ متعمداً جرأتلری ثابت اولدیفندن قانون
جزانک یوز یتشنجی ماده سنه توقیفاً اعداملرینه
ومصارف محاکمه نک تحصیلنه حکم اولدیفنی حاوی
اولوب تبلیغنامہ دہ دخی متهم وکیلی یشارافندینک
ذات ماده وکړک شهود مستمعہ حقندہ عندالمحاکمه
واقع اولان وشایان دقت کورینان مدافعاتنک
هر برینک تدقیقه رد ویاقبولی حقندہ مذاکره
جریانی واسباب موجبہ بیانی ایله اعطای رأی
وقرار اولنمق حق مدافعی تأمین ایدن قاعده
کلیه دن اولدینی حالده محکمه جبه بوندن ذهول

اولنمغله برابر فعل قتلك سبب وصورت وقوی
و بونک متهم مرقومدن صدوری نه وجهله ثابت
اولمش وشهودک شهاداتی نه کبی درجه وقوی
حائزدر واولبابده نه یولده دلیل واماره حاصل
اولمشدر بورالری وجرمک نوع وماهیتی دخی
اعلامده تعداد وتصریح قلنامش اولسنه ولایحه
تمیزیده بوجهلره متفرع بیان اولنان اعتراضات
بجا کورلسنه مبنی اعلام مذکورک تقضی وارندن
اون سندن زیاده زمان مرور ایتش اولدینی
جهتله کیفیتک تسریعی طلب اولنمشدر .

اوراق سائرہ دخی قرائتہ تدقیقات تمیزی
اجرا اولندقدہ تبلیغنامہ دہ تمیزی لایحه سنه عطفاً
درمیان ایدیلان اعتراضات وارد و بجا ونقض
حکمی مستلزم اسباب قانونیه دن بولنمدیندن اصول
محاکمات جزائیہ قانوننک اوچیوز اون دردنجی
ماده سنه توقیفاً اعلام مذکورک نقضه وایکیوز
غروش اعلام خرجنک بالتحصیل محکمه تمیزییه
کوندردلسنه ۵ کانون اول سنه ۳۰۷ تاریخندہ
قرار ویرلدی .

فی ۱۰ جمادی الاخر سنه ۲۰۹

وفی ۳۰ کانون اول سنه ۳۰۷

کوملجنه بدایت محکمه سندن ویریلوب
متفرعاتیه باش مدعی عمومیک مأموریت
علیه سندن ۱۹ صفر سنه ۳۰۹ و ۱۱ یلول سنه ۳۰۷
تاریخ وایکی بیک درتبوز یکرمی سکر نومرولی
تبلیغنامہ ایله محکمه تمیزی جزا دائره سنه کوندریلان
۱۰ کانون اول سنه ۳۰۵ تاریخ وایکیوز قرق
درد نومرولی اعلام قرائت اولندی .

مفاد اعلام اسماعیل اوغلی عثمانک قتلندن
طولانی اتهام اولنان حلواجی اوغلی احمدک قاتل
غیرمتمم اعتباریه اون بش سنه مدتله کورکه
قونلمسنه قرار ویرلدیکنی حاویدر .

تبلیغنامہ دہ مقتولک ابتدا متهمه سب وشتم
وتشهیر سلاح ایتدیکی محاکمه نک تحت تقدیرنده
اولدینی حالده بوتشهیرک ایقاع جرح مقصدینه دائر
قید اولدینی مطالعه سیله مقابله جهتی رد اولنمش
اولوب حالبوکه مقتولک اول حینده سلاح
تشهیرندن مقصدینک کشفی امور باطنه دن بولنمسنه
وايشده مقابله رنکی اولسه بیله متهمک جرحی
برکره بالیدیرندن صورت خفیفه دہ ایقاع ایتسی
وسکره تکرار جرحه مبادرت ایتوب حتی مؤخرأ
هرایکیسی یه برلکده کویلرینه کتمسی جرح

مذکور کتل قصدینه عدم مقارنته دلات ایدر
احوالدن اولدینی حالده بوجهت دخی نظر دفته
النماش و وکیلک اولبایده اولان مدافعہ سی
مسکوت عنه براغلمش اولسنه و لایحہ تمیز بہ نک
بوجہتله تعلق ایدن مندرجاتی بجا کورنسنه
مبنی مذکور اعلامک تقضی طلب ایدلمشدر .

اوراق دعوی دخی قرائتہ تدقیقات تمیز بہ
لدی الاجرا جریان ایدن تحقیقات و محاکمہ
نتیجہ سنده تحصیل ایدن احوالہ نظراً متهم مرقومک
قاتل غیر متعمد صفتیلہ مجرمیت و محکومیتہ دائر
صدور ایدن قرار مأموریت مشار الیہانک بالادہ
محرر اولان طلبی وجہلہ بجا کور یلہ مدیکندن
اصول محاکمات جزائیہ قانونک اوچیوز اون
دردنجی مادہ سنہ تطبیقاً مذکور اعلامک نقضنہ
وایکیوز غروش اعلام خرجنک بالاستیفا محکمہ
تمیزہ لزوم ارسالہ ۲۴ کانون اول سنہ ۳۰۷
تاریخندہ قرار ویرلمشدر .

فی ۱۲ جمادی الآخر سنہ ۳۰۷

وفی ۱ کانون ثانی سنہ ۳۰۷

حلب ولایتی استیناف محکمہ سی جزادائرہ سنک
۲۴ ربیع الآخر سنہ ۳۰۸ و ۲۴ تشرین ثانی
سنہ ۳۰۶ تاریخ و یوز قرق یدی نومرولی اعلامیلہ
اوراق متفرعہ سی باش مدعی عمومیک مأموریت
علیه سندن ۱۳ ذی الحجہ سنہ ۳۰۸ و ۱۱ تموز
سنہ ۳۰۷ تاریخ و بیسک یتیش اوچ نومرولی
تبلیغنامہ ایلہ محکمہ تمیز جزا دائرہ سنہ ویرلدیکندن
مطالعہ اولندی .

اعلام مذکورک مالی حارم قضاسنہ تابع
ترمانیہ قریہ سی اہالیسندن عبداہ بن حاجی
مصطفانک وقوعبولان قتلندن طولانی جنایتلہ اتہام
اولنان قریہ مذکورہ اہالیسندن مقتولک عمرادہ سی
عبدالعزیز بن احمدک اجرا قلنان محاکمہ علیہ سنده
قتل مذکورہ بالتصور تعمداً جراتی ثابت
اولدیفندن قانون جزانک یوز یتمشنجی مادہ سی
حکمہ تطبیقاً اعدامہ حکم اولانہرق تفہیم قلندیغنی
حاویدر .

تبلیغنامہ دخی قاتلک مقتولی تعقیب ایدرک تفنکفی
انداخت ایلہ جرح و قتل ایلدیکنہ شہودک
شہاداتیلہ و بونک متعمداً وقوعنہ دخی اوارہلق
بینلرنده نزاع تحدت ایتدیکی شاهدلر طرفندن افادہ

طلب اولنمشدر .

ساتر اوراق دعوی دخی قرائتہ تدقیقات
تمیز بہ ابتدار اولندقدہ مأموریت مشار الیہانک
تبلیغنامہ سنده کوستریلان اعتراضات بجا ونقض
حکمی مستلزم اسباب قانونیہ دن کورملکله
اصول محاکمات جزائیہ قانوننک اوچیوز اون
دردنجی مادہ سنہ توفیقاً اعلام مذکورک بر موجب
طلب نقضنہ و اعلام خرجی اولان ایکی یو غروشک
بالتحیل محکمہ تمیزہ لزوم ارسالہ فی ۱۴ تشرین
ثانی سنہ ۳۰۷ تاریخندہ قرار ویرلدی .

فی ۴ جمادی الآخر سنہ ۳۰۹

فی ۱ کانون ثانی سنہ ۳۰۷

اولنمسی ایلہ حکم اولنمش اولدینی اکلشیلوب
انجیق مفساد استنطا قنامہ یہ نظراً بوشاهدلردن
حمودک عبداللہک ارقہ سندن عبدالعزیز کیتدکدن
صکرہ تفنک صداسنی ایشیدوب محل وقعہ یہ کیدنجه
عبداللہی مجروح کوردیکی سویلمش اولسنہ
باقلنجه مرقومی تنسکی آتوب اوررکن کورمیوب
تفنک صداسندن صکرہ کیدرک مجروحی کورمش
اولہ جنی کبی احمدک مضبوط افادہ سی دخی جرحک
وقوعندن صکرہ مشرودی اولدیغنه دائر بولنمش
اولمسی و ابراہیمک افادہ سی ایسہ برقادینک
یاعبدہ ہان کیت دیو باغرمسنی استماع ایدنجه
قوشوب کیدرک عبدالعزیزک بالتعقیب عبداللہی
جرح ایلدیکنی متضمن بولنمسی صورتلری جرح
مذکورده اولجہ قاتل و مقتول بینلرنده نزاع
وقوعنی ایما ایدر اماراتدن اولمسیلہ وفعل قتلده
تصور و تعمدہ حکم ایتک بوتصورک تعریف
قانونی وجہلہ وقوع و ثبوتنہ متوقف اولوب
بینلرنده اولجہ نزاع وقوعی احتمالی دافع امارات
قویہ و سترسی اولہ مابنی حالہ اعدام جزاسنی
حکمده اصابت اولہ میہ جفندن بناءً علیہ بوجہتک
ابراہیمک دیدیکی قادیسندن دخی صوریلہرق
بالاطراف تدقیقی ایلہ حاصل اولہ جق نتیجہ یہ کور
اصلاح حکم ایدمک اوزرہ مذکور اعلامک نقضی

(اوچيوز الى سنهسى كانون ثانيك اون يدنجى)
 (كيجهسى ساكلى ايكي بچق راده لرند لونهده)
 (چنار جاده سنده ايوالى چشمه اتسالنده چنكانه)
 (محله سنه چيقان عرصه ده انقاضي عر بكيلى)
 (خليل اغانك اوكنه چيقه رق اچقه سنى غصب)
 (ايتسندن طولاي مظنون عليه اولان ملت)
 (موسويه دن غارصونك جنايتله اتهامنه دائر)
 (هيئت اتهاميه دن تنظيم اولنان تاريخلى)
 (ضبطنامه صورتيدر)

مابعد

طرفينك ادعا ومدافعاتنك استماعندن واوراق
 تحقيقه تك مطالعه و تدقيقندن صكره ايجاب كيفيت
 مذاكره اولندوقده متهم مرقوم غارصون مدعى
 شخصى خليل اغانك اوكنه چيقه رق و معامله
 جبر و شدت اجرا ايدر ك پاره كيسه سنى اخذ
 وغصب ايدىكنى هر تقدّر انكار ايتكده و وكيلى
 دخى بوجه محرر مدافعانده بولنمقده ايسه ده
 مرقوم غارصونك اخذ وغصب فعلنه اجتناسارى
 يكديكرينه مابين بولنان افاده سى وعقيب وقعه ده
 فرار ايدر كن بالتعقيب در دست ايدلىكنك
 واوزرينه وارانلىر كليك اورورم ديه رك تهديد

ايتديكنك مع القسم اخبار ايدلسى ومدعى شخصى
 مرقوم خليل اغا طرفندن تعيين شخص ايله مصرأ
 دعوى اولنمقده بولنمى دلائلى ايله تحقق
 ايدوب وكيلى مومى اليهك مدافعانته كلنجه
 انسان هيچ بروقت وحالده خلاف حقيقى افاده
 ايله اوزرينه سوء ظنى جلب ايتيه جكنك طبيعى
 ويكناه اولان بر كيمسه نكده فرار ايتيه جكى
 دركار بولندينى ومنهمك اوزرينك تحرى
 اولنديغه دائر اوراق تحقيقه ده صراحت كوريله -
 مامسى فعلك عدم وقوعه دليل عد اولنميه جنى
 جهتلريله مرقوم غارصونك انكارى واهى
 و مدافعات مذكوره دخى مردود اولديغندن
 مرقوم غارصونك معامله جبر و شدت اجرا سيله
 فعل اخذ وغصبك فاعلى اولق اوزره مجرميته
 متفقاً قرار و يريله رك اولباده تنظيم اولنان
 قرارنامه علناً قرائت اولندوقده معاون مومى اليه
 مدوح بك مجرميتى تقرر ايدن مرقوم غارصونك
 قانون جزانك ايكوز يكرمى برنجى ماده سى
 موجبنجه تحديد و وكيلى مومى اليه دخى تخفيف
 جزاسنى طلب ايتلىرى اوزرينه مذاكره اوپه سنه
 عودت اولندى .

جهت جزائيه سى دخى مذاكره اولندوقده

مرقوم غارصونك تحقق ايدن حر كتى قانون جزانك
 ايكوز يكرمى برنجى ماده سنه موافق اولديغه
 وماده مذكوره ده دخى خرسزلق معامله شديده
 اجرا سيله وقوعبولوب فقط بويه معامله شديتن
 از جرح ظهور ايتامش و بشقه بر حال منضم
 اولمامش ايسه و ياخود معامله شدت وقوع
 بولميو بده فقط اولا كيجه اولدينى وثانياً ايكي
 ودها ز ياده اشخاص طرفلرندن جمله سى و ياخود
 انچلرندن بريى مساح بولندينى حالده وقوع
 بولمش ايسه متجاسر اولانلر موقتاً كوركه
 قونيلورلر ديو محرر بولنديغه مبنى بوماده حكمنه
 توفيقاً وابتداى توقيفى اولان اوچيوز سكر سنه سى
 شهر جاذى الاخره سنك يكرمى اوچنجى كونندن
 اعتباراً مرقوم غارصونك بعدالتشهير اوچ سنه
 مدته كوركه قونلمسنه ضبط واعلام واستنطاق
 خر جليله خدمه اجرت قديمه سى اولان جمعاً
 يوز اونوز بش غروشك مرقومدن بالتحصيل
 عدليه وزنه سنه تسليم ايتديرلسنه اوچيوز سكر
 سنه سى ذى الحجه سنك ايكنجى كوننه مصادف
 اولان اوچيوز يدى سنه سى حزينانك يكرمى
 التتجى كونى متفقاً قرار و يريله رك قانون دائره سنده
 تفهيمى اجرا و اصول محاكمه جه معين اولان
 معاملات قانونيه ايضا قلندى .

فى ۸ تموز سنه ۳۰۷

(زوجيه سى امينه نابر خانمك وفاتندن صكره مومى)
 (اليهانك متصرفه اولدينى سهمنى آخره فروت)
 (وشو صورتله ساخته كارلغه جرأت ايتسندن)
 (طولاي مظنون عليه اولان باب عالي ترجمه)
 (كتبه سندن عمرافدينك حاكمه عليه سى ضبطامه)
 (صورتيدر)

زوجيه سى امينه نابر خانمك وفاتندن صكره مومى
 اليهانك متصرفه اولدينى سهمنى آخره فروت
 وشو صورتله ساخته كارلغه جرأت ايتسندن طولاي
 مظنون عليه اولان باب عالي ترجمه اوپه سى كتبه سندن
 عمرافدى حفته مقدما محكمه جنايتد اجرا قلنان
 محاكمه ده مومى اليه حفته اصول عتيقه دائره سنده
 معامله جريان ايدر ك اولباده محكمه جنايتدن
 ويريلان حكم بعض اسباب قانونيه به مبنى نقض ايله
 اعاده قلمش و تكرار اجرا ايديله محاكمه ده دخى
 مرقوم حفته اصول محاكمات جزائيه قانونه
 توفيقاً معامله ايجابيه سنك اجراسى ضمننده اوراق
 دعوانك هيئت اتهاميه به توديعنه قرار و يرلمش
 ايسه ده حكم مذكورينه محكمه تمميز جزا دائره عليه
 سندن نقض ايديله رك اوراق موجوده ينه محكمه
 جنايته اعاده قلمش اولمقدنناشى مومى اليه عمر
 افدينك اجراى محاكمه سى بيك اوچيوز يدى

سنه سی تموزینک اوتوزنجی صالی کونه
قرار لشدیرلدی .

یوم مذکورده خزینة جلیله مالیه وکیلرندن
عمر افندی ایله مدعی عمومی معاونی مدوح بک
حاضر بولندقلری حالدہ اجرایی محاکمه علیه
بالابتدار مظنون عمر افندینک یوم محاکمه حاضر
بولنمسی حقیقده اقامتگاهنه تبلیغ ابتدیدیلان
جلبنامه یه بونامده بر آدم اولمدینی محله سی امامی
طرفندن جلبنامه ظهرینه یازیلان شرحدن
اکلاشلمش وشو حالدہ بونک برکرده باب عالی
ترجمه اوطه سندن ارانلمسی ضمننده مذکره
یازلمسه قرار ویریلهرک اکل دعوی یوم آخره
تعلیق قلندی .

بر موجب قرار سابق خارجیه نظارت
جليله سی ترجمه اوطه سی مدیرتیه یازیلان تذکره یه
وارد اولان جوابده مذکور اوطه ده عمر افندی
نامنده کسنه اولمدینی بیلدیرلمش اولمسنه بناء
مومی الیهک سراج اسحق محله سنده برخانه ده
ساکن اولدینی ویریلان معلومات اوزرینه بیک
اوجیوزیدی سنه سی تشرین اولنک اون یدنجی
پنجشنبه کونی محکمه یه کلش ضمننده کوندریلان
جلبنامه یه بناء ورود ایتیش و خزینه وکیل عمر
افندی ایله مدعی عمومی معاونی رؤف بک حاضر

بولندینی حالدہ اکل محاکمه علیه بالابتدار
اولجه محکمه جنایتدن صادر اولان اعلام محکمه
تمیزدن نقض ایله اولبایدکی اوراق اعاده قلمش
اولدیغدن تکریر ایدیلان محاکمه ده مومی الیه عمر
افندی

مابعدی وار

اعلان

تبعه دوات علیه دن نیقوله . ی . چوتقه نک
یونان دولتی تبعه سندن پنا یوط مارقو علیه نه بر
قطعه بونوموجینجه اقامه ایلدیکی ایکوزاون یدی
عدد لیرای عثمانی وسکسان یدی ساتیم مطلوبات
ادعاسندن طولایی علی الاصول دولت مشارالیه
قنچلاریه سنه کوندریلان دعوتیه ورقه سی ظهرینه
یازیلان شرحده مرقومک اقامتگاهنک مجهول
قلمسندن طولایی اعلاناً تبلیغات قانونیه نک
اجراسی لازم کلمکله ودعوای مذکورنک اشبو

اوجیوزیدی سنه سی کانون تانیسنک اوتوزنجی
پنجشنبه کونی ساعت التیده برنجی محکمه تجارتده
فصل ورؤیتی مقدر بولنمغله یوم ووقت مذکورده
مرقوم پنا یوط مارقونک بالذات محکمه ده حاضر
بولنمسی ویاخود مصدق سندله بروکیل کوندرمسی
لازم کله جکی وشایدکلز و طرفندن وکیل کوندرمن
ایسه حقیقده اقتضا ایدن معامله قانونیه نک اجرا
اولنه جنی معلوم اولق اوزره تنظیم اولنان دعوتیه
ورقه سی محکمه نک دیوانخانه سنه تعلیق اولندینی کی
غزته لر واسطه سیله دخی اعلان کیفیتیه ابتدار
قلندی .

فی ۲ رجب سنه ۳۰۹
وفی ۲۰ کانون ثانی سنه ۳۰۷

قسمت عسکری محکمه سندن ویریلان فی ۲۹
ذی الحجه سنه ۳۰۵ تاریخی برقطعه اعلام شرعی
موجینجه الاجنئی اولان مبالغ معلومه نک تأمین
استیفاسی ضمننده مدیونتان مرقومتانک عهده لرنده
اولوب دینلری مقابلنده مرهون وفروختی محکوم
بولنان استانبولده کوچک ایاصوفیه قربنده
چارداقلی حمام نزدنده قرده غولخانه قارشوسنده
کوشه ده کائن اوتوزیدی نومرو ایله مرقم بر باب
و محل مذکورده قارشو طرفده قرده غولخانه
اشاغیسنده یکرمی سکر نومرو ایله مرقم بر باب که
ایکی باب توتونجی دکانی کدکندن نصف حصه سنک
یتیش ایکی سهم اعتبار یله الی اوج سهم حصه
شایعه سی بوندن اول مزایده یه قونیلهرق لیرا یوز
غروش حسابیله ایکی بیک بشیوز غروش بدل ایله
طالبی اوزرنده تقرایتش اولدیغدن یوزده بش
ضمیمه بوندن دهها زیاده طالب اولانلرک
واطرافلیجه معلومات المتی ایستیانلرک اشبو تاریخ
اعلاندن اعتباراً اوتوز برکون طرفنده درسعادت
اعلامات شرعیه اجرا دائره سنه مراجعت ایللملری
ومدت مذکوره ختامندن صکره ضم وپی قبول
اوانیمه جنی اعلان اولنور .

فی ۲۰ کانون ثانی سنه ۳۰۷

تبعه دولت علیه نک اومنی ملتی نسوانندن
درووف قادینک تبعه وملت مرقومه نسوانندن
نازلی بنت فلبوس ایله کریمه سی حرویسما ذمتلرنده

ابراهيم افنديك سامى و برادري مصطفى عطا
افنديلر ذمتلر نده بااعلام محكوم به الاجننى بولنان
مبالغك تأمين استيفاسى ضمننده تحت حجزه
التهرق بالمزايدة فروختى قرارلشدير يلان وفاده
شجاع الدين محله سنده واقع نخميناً مع بغچه يوز
اوتوز آرشون عرصه اوزرينه مبنى دروننده ايكي
قيو و بش او طه يي و ايكي ابدستخانه و بر خراب
مطبخى مشتمل اون سكر نومرولى بر باب خانه ك
تامى بوندن اقدم مزايده قونيله رق ليراي عثمانى
يوز غروشدن اولمق اوزره اون بيك اللهى غرو شده
طالبي عهده سنده تقرر ايتمش اولديغندن بوندن
زياده يه يعنى يوزده بش ضميله طالب اولانلرك
ودها زياده معلومات المى استيانلرك تاريخ
اعلانندن اعتباراً اوتوز بر كون ظرفنده دائره
اجرايه مراجعتله بي سورملرى لازمكله چكى ومدت
مذكوره ك انقضاسنى متعاقب قرار قطعيسى كشيده
قلته جغندن اندن صكره قبول اولنميه جنى
درساعات اعلامات نظاميه اجرا دائره سندن
اعلان اولنور .

في ۲۰ كانون ثانى سنه ۳۰۷

مصرلى متوفى نشأت بكك عزتلو مصطفى
طاهر افندى ذمتنده بااعلام الاجننى اولان مبالغدن
طولايى فروختى محكوم بولنان قاضى قريه سنده
عثمان اغا محله سنده حيدر پاشا اسكله سى جاده سنده
سكر نومرو ايله مرقم عثمان اغا وسائر وقف ايله
مخلوط چاوش باشى ساحلخانه سى دينمكله معروف
ساحلخانه ايله تحتنده كائن اوج باب دكانك
تاريخ اعلانندن اعتباراً اون بش كون صكره
بالمزايدة فروخته مبادرت اوانه جنى اسكدار اجرا
دائرة سندن اعلان اولنور .

في ۲۲ كانون ثانى سنه ۳۰۷